



Uimhir 19 de 2018

An tAcht um Fhorbairt Tionscail (Leasú), 2018
[*An tiontú oifigiúil*]



Uimhir 19 de 2018

AN tACHT UM FHORBAIRT TIONSCAIL (LEASÚ), 2018

[*An tiontú oifigiúil*]

CLÁR AN ÁBHAIR

Alt

1. Míniú
2. Leasú ar alt 2 d'Acht 1986
3. Leasú ar alt 16 d'Acht 1986
4. Talamh nach bhfuil ag teastáil láithreach chun críoch alt 16
5. Talamh a dhíol, a léasú nó a dhiúscairt de réir alt 16
6. Cumhachtaí éigeantacha a fheidhmiú
7. Feidhmeanna an Bhoird Pleanála
8. Leasú ar an Dara Sceideal a ghabhann le hAcht 1986
9. Gearrtheideal agus tosach feidhme

[Uimh. 19.]

*An tAcht um Fhorbairt Tionscail
(Leasú), 2018.*

[2018.]

NA HACHTANNA DÁ DTAGRAÍTEAR

Acht na dTithe, 1966 (Uimh. 21)

An tAcht um Fhorbairt Tionscail (Forfás a Dhíscaoileadh), 2014 (Uimh. 13)

An tAcht um Fhorbairt Tionscail, 1986 (Uimh. 9)

An tAcht um Fhorbairt Tionscail, 1995 (Uimh. 28)

An tAcht um Pleanáil agus Forbairt, 2000 (Uimh. 30)



Uimhir 19 de 2018

AN tACHT UM FHORBAIRT TIONSCAIL (LEASÚ), 2018

[An tiontú oifigiúil]

Acht do dhéanamh socrú i ndáil le cumhachtaí faoi alt 16 den Acht um Fhorbairt Tionscail, 1986 a fheidhmiú; do dhéanamh socrú go mbeidh feidhm ag forálacha áirithe d'Acht na d'Tithe, 1966 maidir le cumhachtaí éigeantacha faoin alt sin a fheidhmiú agus do dhéanamh socrú maidir leis an mBord Pleanála do chomhlíonadh feidhmeanna i ndáil leis sin; do dhéanamh socrú go mbeidh feidhm ag forálacha áirithe den Acht um Pleanáil agus Forbairt, 2000 i ndáil leis sin; agus, chun na gcríoch sin, do leasú an Acharta um Fhorbairt Tionscail, 1986; agus do dhéanamh socrú i dtaobh nithe gaolmhara. [23 Iúil 2018]

Achtaítear ag an Oireachtas mar a leanas:

Míniú

1. San Acht seo, ciallaíonn “Acht 1986” an tAcht um Fhorbairt Tionscail, 1986.

Leasú ar alt 2 d'Acht 1986

2. Leasaítear alt 2 d'Acht 1986 trí na mínithe seo a leanas a chur isteach:

“ciallaíonn ‘Acht 1966’ Acht na d'Tithe, 1966;
ciallaíonn “GFT” an Ghníomhaireacht Forbartha Tionscail (Éire);”.

Leasú ar alt 16 d'Acht 1986

3. Leasaítear alt 16 d'Acht 1986—

(a) i bhfo-alt (1)—

(i) trí “féadfaidh GFT, ar mhaithe lena fheidhmeanna (cibé acu a thugtar iad leis an Acht seo nó faoi, nó le haon achtachán eile nó faoi aon achtachán eile), faoi réir ailt 16A, 16B agus 16C” a chur in ionad “féadfaidh an tÚdarás”,

(ii) trí “don Údarás a dhéanamh.” a chur in ionad “don Údarás a dhéanamh,” i mír (h), agus

(iii) tríd an méid seo a leanas a scriosadh:

“más rud é—

- (i) go measfaidh an tÚdarás go dtarlóidh nó gur dóigh go dtarlóidh forbairt tionscail dá bharr, agus
- (ii) gur deimhin leis an Údarás go gcomhlíonann nó go gcomhlíonfaidh an gnóthas na critéir atá leagtha amach i bhfo-aitl (3) agus (4) d'alt 21 nó alt 25(2).”,
- (b) trí “ag GFT” a chur in ionad “ag an Údarás” i bhfo-aitl (2), agus
- (c) tríd an bhfo-aitl seo a leanas a chur isteach i ndiaidh fho-aitl (3):
- “(4) D'ainneoin fho-aitl (1) agus (2) d'alt 18 den Acht um Fhorbairt Tionscail (Forfás a Dhíscaoileadh), 2014, agus d'ainneoin an Sceidil a ghabhann leis an Acht sin, ní bheidh na feidhmeanna a thugtar leis an alt seo inchomhlíonta ach ag GFT amháin.”.

Talamh nach bhfuil ag teastáil láithreach chun críoch alt 16

4. Leasaítear Acht 1986 tríd an alt seo a leanas a chur isteach i ndiaidh alt 16:

“16A. Faoi réir ailt 16B agus 16C, féadfar na cumhactaí a thugtar le fo-aitl (1) d'alt 16 a fheidhmiú—

- (a) i leith talamh nach bhfuil ag teastáil láithreach chun na críche dá dtagraítear san fho-aitl sin más rud é, i dtuairim GFT, go dteastóidh nó gur dóigh go dteastóidh an talamh chun críoch den sórt sin sa todhchaí, agus
- (b) cibé acu, tráth fheidhmiú na gcumhactaí lena mbaineann, a dhéanfar nó nach ndéanfar gnóthas tionscail a chéannú chun críoch den sórt sin.”.

Talamh a dhíol, a léasú nó a dhiúscairt de réir alt 16

5. Leasaítear Acht 1986 tríd an alt seo a leanas a chur isteach i ndiaidh alt 16A:

“16B. (1) Ní ceadmhach na cumhactaí a thugtar le mír (f) d'fho-aitl (1) d'alt 16 a fheidhmiú ach amháin i gcás go ndéanfar gnóthas tionscail a chéannú chun na críche dá dtagraítear san fho-aitl sin agus—

- (a) go measfaidh GFT go dtarlóidh nó gur dóigh go dtarlóidh forbairt tionscail de bharr fheidhmiú na gcumhactaí sin, agus
- (b) go bhfuil GFT deimhneach maidir leis na nithe a shonraítear i bhfo-aitl (3) agus (4)(b), (c), (d) agus (e) d'alt 21 i leith an ghnóthais sin.
- (2) I gcás talamh atá faighte go héigeantach faoi fho-aitl (1) d'alt 16, ní ceadmhach na cumhactaí a thugtar le mír (f) den fho-aitl sin a fheidhmiú, i leith na talún sin agus chun críoch an fho-aitl sin, ach amháin trí léas a dheonú.
- (3) Ní dochar an t-alt seo d'alt 3(4) den Acht um Fhorbairt Tionscail, 1995.”.

Cumhactaí éigeantacha a fheidhmiú

6. Leasaítear Acht 1986 tríd an alt seo a leanas a chur isteach i ndiaidh alt 16B:

- “16C.** (1) Ní ceadmhach na cumhactaí a thugtar le mír (a), (b) agus (c) d’fho-alt (1) d’alt 16 a fheidhmiú go héigeantach ach amháin i gcás go ndéanfar gnóthas tionscail a chéannú chun na críche dá dtagraítear san fho-alt sin agus—
- (a) go measfaidh GFT go dtarlóidh nó gur dóigh go dtarlóidh forbairt tionscail de bharr fheidhmiú na gcumhactaí sin,
 - (b) go bhfuil GFT deimhneach maidir leis na nithe a shonraítear i bhfo-alt (3) agus (4)(b), (c), (d) agus (e) d’alt 21 i leith an ghnóthais sin,
 - (c) gur deimhin le GFT go bhfónfaidh feidhmiú na gcumhactaí sin chun cuspóirí náisiúnta i leith forbairt tionscail a chur chun cinn nó chun tacú leo, agus
 - (d) go bhfuil GFT údaraithe, de réir ordú dá dtagraítear i bhfo-alt (2), chun na cumhactaí sin a fheidhmiú.
- (2) Féadfar a údarú do GFT na cumhactaí a fheidhmiú faoi mhíreanna (a), (b) nó (c) d’fho-alt (1) d’alt 16 go héigeantach ar mhodh ordú ceannaigh éigeantaigh mar a fhoráltear le halt 76 d’Acht 1966 agus leis an Tríú Sceideal a ghabhann leis an Acht sin.
- (3) Beidh feidhm ag alt 3 agus Cuid V (seachas alt 77) d’Acht 1966, agus ag an Tríú agus ag an gCeathrú Sceideal a ghabhann leis an Acht sin, fara aon mhodhnuithe is gá, i ndáil le hordú arna dhéanamh de bhua fho-alt (2) agus chun na críche sin—
- (a) déanfar tagairtí san Acht sin d’údarás tithíochta a fhorléiriú mar thagairtí do GFT,
 - (b) déanfar tagairtí in ailt 78(1) agus 81(3)(a) den Acht sin, agus i mír 4(a) den Tríú Sceideal a ghabhann leis an Acht sin, do nuachtáin a léitear ina limistéar feidhme a fhorléiriú mar thagairtí do nuachtáin a léitear sa limistéar ina bhfuil an talamh lena mbaineann an t-ordú,
 - (c) déanfar tagairtí (cibé slí ina mbeidh siad sainráite) san Acht sin do thalamh a fháil go héigeantach a fhobhláiriú mar thagairtí do chumhactaí a fheidhmiú go héigeantach faoi mhíreanna (a), (b) nó (c) d’fho-alt (1) d’alt 16,
 - (d) déanfar tagairt in alt 80(1) den Acht sin do dhul isteach ar an talamh, seilbh a ghlacadh air agus é a úsáid a fhobhláiriú mar thagairt a fholaíonn tagairt d’aois éasúint nó d’aois cheart eile arna húdarú nó arna údarú leis an ordú a fheidhmiú, nó de réir mar a bheidh, an éasúint nó an ceart sin a fhoirceannadh, a shrianadh nó cur isteach ar an éasúint nó ar an gceart sin ar shlí eile, agus
 - (e) déanfar tagairtí san Acht sin do chríocha an Achta sin a fhobhláiriú mar thagairtí don chríoch dá dtagraítear i bhfo-alt (1) d’alt 16.
- (4) Nuair a bheidh ordú ceannaigh éigeantaigh arna dhéanamh de bhua fho-alt (2) á fhobhláiriú, déanfar tagairt d’aois achtachán a bheidh corporaithe san ordú sin agus a dhéanfaí, murach an fo-alt seo, a fhobhláiriú, de bhua mhír

5(5) den Tríú Sceideal a ghabhann le hAcht 1966, mar thagairt d'údarás titheochta a fhirléiriú mar thagairt do GFT.”.

Feidhmeanna an Bhoird Pleanála

7. Leasaítear Acht 1986 tríd an alt seo a leanas a chur isteach i ndiaidh alt 16C:

“16D. (1) Beidh na feidhmeanna céanna ag an mBord i ndáil le hordú ceannaigh éigeantaigh arna dhéanamh ag GFT de bhua fho-alt (2) d'alt 16C is atá ag an mBord faoi Chuid XIV d'Acht 2000 i ndáil le fáil éigeantach talún ag údarás áitiúil faoi Acht 1966, agus chun na críche sin, folóidh tagairt (cibé slí ina mbeidh sí sainráite) in Acht 2000 do na feidhmeanna arna n-aistriú chuig an mBord faoin gCuid sin tagairt don Bhord do chomhlíonadh na bhfeidhmeanna sin i ndáil le hordú den sórt sin.

(2) Gan dochar do ghinearáltacht fho-alt (1)—

(a) beidh feidhm ag ailt 216(1), 217(3), (5), (6), (6A) agus (7), 217A, 217C(1), 218(1), (3) agus (4), 219 agus 221(1), (2), (3), (5), (7) agus (8) d'Acht 2000, fara aon mhodhnuithe is gá, i ndáil le hordú ceannaigh éigeantaigh arna dhéanamh de bhua fho-alt (2) d'alt 16C amhail is dá mba thagairtí do GFT iad na tagairtí d'údarás áitiúil san Acht sin, agus

(b) beidh feidhm ag ailt 50 agus 50A d'Acht 2000, fara aon mhodhnuithe is gá, i leith an Bord do chomhlíonadh a fheidhmeanna faoi fho-alt (1) ar an modh céanna ar a mbeidh feidhm ag na haitl sin i leith an Bord do chomhlíonadh feidhm arna haistriú faoi Chuid XIV den Acht sin.

(3) San alt seo—

ciallaíonn ‘Acht 2000’ an tAcht um Pleanál agus Forbairt, 2000;

ciallaíonn ‘Bord’ an Bord Pleanála.”.

Leasú ar an Dara Sceideal a ghabhann le hAcht 1986

8. Leasaítear an Dara Sceideal a ghabhann le hAcht 1986—

(a) tríd an leagan cuí gramadaí de “GFT” a chur in ionad an leagain chomhfhereagraigh de “an tÚdarás” gach áit a bhfuil sé, agus

(b) trí mhíreanna 1, 2, 3 (seachas fomhír (2)) agus 4 a scriosadh.

Gearrtheideal agus tosach feidhme

9. (1) Féadfar an tAcht um Fhorbairt Tionscail (Leasú), 2018 a ghairm den Acht seo.

(2) Tiocfaidh an tAcht seo i ngníomh cibé lá nó laethanta a cheapfaidh an tAire Gnó, Fiontar agus Nuálaíochta le hordú nó le horduithe i gcoitinne nó faoi threoir aon chríoch nó foráil áirithe agus féadfar laethanta éagsúla a cheapadh amhlaidh chun críoch éagsúil nó le haghaidh forálacha éagsúla.

BAILE ÁTHA CLIATH
ARNA FHOILSIÚ AG OIFIG AN tSOLÁTHAIR
Le ceannach direach ó
FOILSEACHÁIN RIALTAIS,
BÓTHAR BHAILE UÍ BHEOLÁIN, CILL MHAIGHNEANN,
BAILE ÁTHA CLIATH 8, D08 XAO6.
Tel: 046 942 3100
r-phost: publications@opw.ie
nó trí aon dioltóir leabhar.

DUBLIN
PUBLISHED BY THE STATIONERY OFFICE
To be purchased from
GOVERNMENT PUBLICATIONS,
MOUNTSHANNON ROAD, KILMAINHAM,
DUBLIN, D08 XAO6.
Tel: 046 942 3100
Email: publications@opw.ie
or through any bookseller.

€1.27

